

Post - TIŠA BEAV (DEVETI AV)

Jedan od najcrnijih datuma u istoriji jevrejskog naroda. Toga su dana Vavilonci razorili Prvi hram (586. god p.n.e.), Rimljani drugi (70. godine) i ugušili ustanak Bar Kohbe - 135. godine, a kralj Ferdinand i kraljica Izabela izgnali su Jevreje iz Španije (1492. godine).

Nedjelju dana prije devetog ava, vjernici se ne šišaju, ne glačaju odjeću i ne jedu meso (izuzev subotom). Restrikcije na deveti av u pogledu jela, pića i lične higijene slične su restrikcijama na Jom kipur i traju do zalaska sunca.

Na deveti av se u znak žalosti sklanjaju iz hrama svi ukrasni predmeti, a oltar pokriva crnim pokrivačem. Električna rasvjeta se smanjuje ili isključuje i pale se lojane svijeće. Za vrijeme čitanja tužbalice (Jeremijn plač, Ehe i druge tužbalice), izuvaju se cipele i sjedi ili na podu ili na niskim klupicama. Običaj je da se devetog ava posjećuju grobovi srodnika.